



ს ა ქ ა რ თ ვ ე ლ ო
სამტრედიის მუნიციპალიტეტის საკრებულო



ოქმი:ო63.6322144001

თარიღი:24/05/2022

სამტრედიის მუნიციპალიტეტის საკრებულოს

ბიუროს სხდომის

ო ქ მ ი N 19

ქ. სამტრედია. 28 აპრილი, 2022 წელი.

2022 წლის 28 აპრილს, სამტრედიის მუნიციპალიტეტის საკრებულოს თავმჯდომარის პირველი მოადგილის, ვაჟა სტურუას, თავმჯდომარეობით ჩატარდა სამტრედიის მუნიციპალიტეტის საკრებულოს ბიუროს სხდომა.

სხდომას ესწრებოდნენ: ვაჟა სტურუა, ნათია პაპავა, ვალერიანე ფოცხვერია, მანანა სირბილაძე, მერაბ უღრელიძე, ტარიელ ცომაია, ირაკლი მელაშვილი, გიორგი ლეჟავა, ტარიელ დვალიშვილი.

სხდომის თავმჯდომარემ, ბიუროს წევრებს გააცნო სხდომის დღის წესრიგი.

დღის წესრიგი

1. არასამეწარმეო (არაკომერციული) იურიდიული პირის „სამტრედიის მუნიციპალიტეტის გამწვანებისა და კეთილმოწყობის გაერთიანება“ -ს, 2022 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2021 წლის 20 დეკემბრის N 63213544 განკარგულებაში ცვლილების შეტანის თაობაზე.

**/მომხსენებელი: საფინანსო-საბიუჯეტო საკითხთა კომისიის თავმჯდომარე.
მ.უღრელიძე/**

2. ინფორმაცია, სამტრედიის მუნიციპალიტეტის 2022 წლის მარტის თვის ბიუჯეტის შესრულების ანალიზის შესახებ.

**/მომხსენებელი: საფინანსო-საბიუჯეტო საკითხთა კომისიის თავმჯდომარე.
მ.უღრელიძე/**

3. სხვადასხვა.

ვენჭისყრის შედეგად (**9 ხმით**), მიღებულია დღის წესრიგი წარმოდგენილი

დღის წესრიგის I საკითხთან დაკავშირებით მომხსენებელმა, მერაბ უღრელიძემ, ბიუროს წევრებს გააცნო, **სამტრედიის მუნიციპალიტეტის მერიის, 2022 წლის 20 აპრილის N 62-6222110118 წერილობითი მომართვა, რომელიც ეხება, ა.(ა).ი.პ. „სამტრედიის მუნიციპალიტეტის გამწვანებისა და კეთილმოწყობის გაერთიანება“-ს, 2022 წლის სუბსიდიის გეგმაში ცვლილების შეტანის საკითხს.** კერძოდ, კვების ხარჯის თანხა მცირდება 0.50 ათ.ლარით, სხვა დანარჩენ საქონელსა და მომსახურებაზე გაწეული ხარჯის თანხა 1.80 ათ.ლარით, შესაბამისად რბილი ინვენტარის, უნიფორმის შეძენის ხარჯის მუხლში თანხა იზრდება 1.00 ათ.ლარით, აუდიტორული მომსახურების ხარჯის მუხლში 0.30 ათ.ლარით, ხოლო სოციალური დახმარების ხარჯის მუხლში 1.00 ათ.ლარით. არაფინანსური აქტივების მუხლში, კერძოდ მანქანა-დანადგარები და ინვენტარი სატრანსპორტო საშუალებების გარდა თანხა მცირდება 8.00 ათ.ლარით და შესაბამისად იზრდება ტრაქტორები, კომბაინები და სხვა სასოფლო-სამეურნეო ტექნიკის ხარჯის მუხლში თანხა 3.00 ათ.ლარით, ხოლო მცენარეები, ხეები და ნარგავების ხარჯის მუხლში 5.00 ათ.ლარით. 2022 წლის 1 იანვრისათვის საკუთარი სახსრების ნაშთმა შეადგინა 27,70 ათ.ლარი, ხორციელდება აღნიშნული თანხის ხარჯების ნაწილში დაგეგმვა, სატრანსპორტო საშუალებების შესაძენად (სხვა სატრანსპორტო საშუალებები). საკუთარი სახსრების ხარჯების ნაწილში- მუხლში სხვა მანქანა-დანადგარები და ინვენტარი, რომელიც არაა კლასიფიცირებული, თანხა მცირდება 15.00 ათ.ლარით და შესაბამისად სატრანსპორტო საშუალებების შეძენის ხარჯის (სხვა სატრანსპორტო საშუალებები) მუხლში თანხა იზრდება 14.00 ათ.ლარით და 1.00 ათ.ლარით ტრაქტორები, კომბაინები და სხვა სასოფლო-სამეურნეო ტექნიკის ხარჯის მუხლი.

საკითხი განიხილა საფინანსო-საბიუჯეტო საკითხთა კომისიამ. მომზადდა შესაბამისი განკარგულების პროექტი.

პროექტის ირგვლივ შენიშვნები არ ყოფილა.

დაადგინეს: კენჭისყრის შედეგად (9 ხმით), საკითხი შევიდა საკრებულოს სხდომის დღის წესრიგში.

დღის წესრიგის II საკითხთან დაკავშირებით მომხსენებელმა, მერაბ უღრელიძემ, ბიუროს წევრებს გააცნო, **სამტრედიის მუნიციპალიტეტის მერიის, 2022 წლის 6 აპრილის N 62-62220963, წერილობითი მომართვა, რომელიც ეხება,** სამტრედიის მუნიციპალიტეტის 2022 წლის ბიუჯეტის, მარტის თვის შესრულებას და შესრულების ანალიზს, თანდართული ფორმების მიხედვით.

მომხსენებელმა აღნიშნა, რომ „ნორმატიული აქტების შესახებ“, საქართველოს კანონის მე-20 მუხლის მე-4 პუნქტისა და საქართველოს ორგანული კანონის ადგილობრივი თვითმმართველობის კოდექსი-ს 24-ე მუხლის პირველი პუნქტის „დ.ა“ ქვეპუნქტის და“ საქართველოს საბიუჯეტო კოდექსის“ 70-ე მუხლის შესაბამისად, 2021 წლის 20 დეკემბრის N20 დადგენილებით სამტრედიის მუნიციპალიტეტის საკრებულომ დაამტკიცა სამტრედიის მუნიციპალიტეტის 2022 წლის ბიუჯეტი, თანხით 18757,8 ათასი ლარის ოდენობით.

ადგილობრივი შემოსულობები განისაზღვრა 17098,6 ათასი ლარით, მათ შორის:

- საგადასახადო შემოსავლები - 15356,1 ათასი ლარი.
- სხვა შემოსავლები - 1742,5 ათასი ლარი.
- არაფინანსური აქტივების ზრდა - 0 ათასი ლარი.

სახელმწიფო ბიუჯეტიდან მისაღები ტრანსფერის ოდენობა განისაზღვრა - 1659,2 ათასი ლარით.

სამ თვეში ბიუჯეტის მიმართ ერთჯერ განხორციელდა ცვლილება და ბიუჯეტის მოცულობა განისაზღვრა 26137,1 ათასი ლარის ოდენობით. შესაბამისად სამტრედიის მუნიციპალიტეტის ბიუჯეტი გაიზარდა 7379,3 ათასი ლარით.

დამტკიცებულ ბიუჯეტში საქართველოს სახელმწიფო ბიუჯეტიდან მისაღები მიზნობრივი ტრანსფერის ოდენობა განისაზღვრა - 210,0 ათასი ლარით, დელეგირებული უფლებამოსილების განსახორციელებლად.

საქართველოს მთავრობის 2022 წლის 17 იანვრის N75 განკარგულებით, საქართველოს რეგიონებში განსახორციელებელი პროექტების ფონდიდან მუნიციპალიტეტისათვის თანხის გამოყოფის შესახებ, სამტრედიის მუნიციპალიტეტს გამოეყო - 3567,4 ათასი ლარი.

საქართველოს მთავრობის 2021 წლის 27 დეკემბრის „2020-2022 წლების საპილოტე რეგიონების ინტეგრირებული განვითარების პროგრამის ფარგლებში შერჩეული პროექტების დასაფინანსებლად ზოგიერთი მუნიციპალიტეტისათვის თანხის გამოყოფის შესახებ“, სამტრედიის მუნიციპალიტეტს სოფელ ნაბაკევში რეკრიაციულ-დასასვენებელი სივრცის მოსაწყობად ასევე სოფ. დიდ ჯიხაიში, ღანიშში და კორმაღალში აბეტონის საფარის დასაგებად გამოეყო - 954,2 ათასი ლარი.

საქართველოს მთავრობის 2021 წლის 27 დეკემბრის N2374 განკარგულებით, საჯარო ფინანსების მართვის რეფორმის 2018-2021 წლების სტრატეგიის ფარგლებში ზოგიერთი მუნიციპალიტეტის მიერ ფინანსების მართვის გაუმჯობესების ხელშეწყობის მიზნით 2021 წელს განსაზღვრული ღონისძიებების შესრულებიდან გამომდინარე, ზოგიერთი მუნიციპალიტეტისთვის კაპიტალური გრანტის გამოყოფის შესახებ, სამტრედიის მუნიციპალიტეტს გამოეყო - 350,0 ათასი ლარი.

საქართველოს მთავრობის 2022 წლის 14 იანვრის N51 განკარგულებით, ზოგიერთი მუნიციპალიტეტისათვის უფლებამოსილებების ხელშეკრულების საფუძველზე, დელეგირების შესახებ, სამტრედიის მუნიციპალიტეტს გამოეყო 40,2 ათასი ლარი.

ნაშთი 2022 წლის 1 იანვრისათვის ირიცხება 4047,4 ათ.ლარი, საიდანაც განაწილდა 3916,7 ათ.ლარი, გასანაწილებელი დარჩა 130,7 ათ.ლარი.

სამტრედიის მუნიციპალიტეტის 2022 წლის მარტის თვის შემოსავალმა შეადგინა 4923,7 ათასი ლარი, გეგმა შესრულდა 52,2 %-ით, საგადასახადო შემოსავლებმა შეადგინა 3264,6 ათასი ლარი, რაც მარტის თვის გეგმის 86,3

%-ია, აქვე უნდა ავლნიშნოთ, რომ დ.დ.გ. საქმიანობიდან მიღებულმა გადასახადმა შეადგინა - 3091,9 ათასი ლარი, გეგმა შესრულდა-89,0 %-ით, ხოლო მიწის გადასახადიდან მიღებულია - 35,6 ათასი ლარი გეგმა შესრულდა 21,1 %-ით, ქონების(იურიდიულ და ფიზიკურ პირთა) გადასახადი 137,1ათ.ლარი, გეგმა შესრულდა -97,4%-ით.

საკითხი განიხილა საფინანსო-საბიუჯეტო საკითხთა კომისიამ.

დაადგინეს: ინფორმაცია, სამტრედიის მუნიციპალიტეტის 2022 წლის ბიუჯეტის, მარტის თვის შესრულების შესახებ, მიღებულია ცნობად. კენჭისყრის შედეგად (9 ხმით), საკითხი შევიდა საკრებულოს სხდომის დღის წესრიგში.

სხდომის თავმჯდომარემ ბიუროს წევრებს გააცნო საკრებულოს სხდომის დღის წესრიგი

დ დ ი ს წ ე ს რ ი გ ი

1. არასამეწარმეო (არაკომერციული) იურიდიული პირის „სამტრედიის მუნიციპალიტეტის გამწვანებისა და კეთილმოწყობის გაერთიანება“ -ს, 2022 წლის ხარჯის დამტკიცების შესახებ“, სამტრედიის მუნიციპალიტეტის საკრებულოს 2021 წლის 20 დეკემბრის N 63213544 განკარგულებაში ცვლილების შეტანის თაობაზე.

/მომხსენებელი: საფინანსო-საბიუჯეტო საკითხთა კომისიის თავმჯდომარე. მ.უღრელიძე/

2. ინფორმაცია, სამტრედიის მუნიციპალიტეტის 2022 წლის მარტის თვის ბიუჯეტის შესრულების ანალიზის შესახებ.

/მომხსენებელი: საფინანსო-საბიუჯეტო საკითხთა კომისიის თავმჯდომარე. მ.უღრელიძე/

3. სხვადასხვა.

დაადგინეს: კენჭისყრის შედეგად (9 ხმით), მიღებულია დღის წესრიგი წარმოდგენილი სახით.

სხდომის დასასრულს, ვაჟა სტურუამ, ბიუროს წევრებს გააცნო მუნიციპალიტეტის მერის სიტყვიერი ინფორმაცია, რომელიც ეხება საქართველოს მთავრობის 2022 წლის 27 აპრილის N754 განკარგულებით „2020-2022 წლების საპილოტე რეგიონების ინტეგრირებული განვითარების პროგრამის ფარგლებში შერჩეული პროექტების დასაფინანსებლად, ზოგიერთი მუნიციპალიტეტისათვის თანხის გამოყოფის შესახებ“, საქართველოს მთავრობის 2021 წლის 16 აგვისტოს N1419 განკარგულებაში ცვლილების შეტანის საკითხს. აღნიშნული განკარგულებით სამტრედიის მუნიციპალიტეტისათვის გამოიყო 2693160 ლარი. აღნიშნული თანხა უნდა აისახოს მუნიციპალიტეტის 2022 წლის ბიუჯეტში და განხორციელდეს შესაბამისი ცვლილება. საკითხი საკრებულოში შემოვა 2 მაისს. აღნიშნულიდან გამომდინარე გთხოვთ, საკრებულოს სხდომის ჩატარების თარიღი 2 მაისი, გადაიდოს 2022 წლის 5 მაისისთვის.

კენჭისყრაზე დადგა საკითხი, საკრებულოს სხდომის ჩატარების თარიღის

ცვლილებასთან დაკავშირებით.

კერძოდ, საკრებულოს რეგლამენტით გათვალისწინებული, ყოველი თვის პირველ ორშაბათის, ამ შემთხვევაში 2 მაისის ნაცვლად, საკრებულოს სხდომა ჩატარდეს 2022 წლის 5 მაისს.

დაადგინეს: კენჭისყრის შედეგად (**9 ხმით**), ბიუროს წევრთა გადაწყვეტილებით, საკრებულოს სხდომა გაიმართება 2022 წლის 5 მაისს , 11⁰⁰ საათზე.

ამით, დღის წესრიგით გათვალისწინებული საკითხები ამოწურულია.

სხდომის მდივანი: მაია ღოღობერიძე.

ვაჟა სტურუა

სამტრედიის მუნიციპალიტეტის საკრებულო-
სამტრედიის მუნიციპალიტეტის საკრებულოს
თავმჯდომარის პირველი მოადგილე

გამოყენებულია კვალიფიციური
ელექტრონული ხელმოწერა/
ელექტრონული შტამპი

